

堅

瓠

集

堅瓠廣集卷之三目錄

六經三傳之失

隱說

食物饌女

萬壽寺

倭患

張丐兒

海人

海女

牝狸佑忠

昭君非真

牛金失老

敘齒

金陵陳遇

元儒不受明職

萬安貪財

吸茶之始

書手門子

皇陵懸牌

禁放砲

包孝廉

張太子

人大蘿蔔

項上千拜

譏不肖子

朋友治妬

徙處五溪

煉石補天

鬱火燒棺

孝經問題

夾寧鎮怪

歐陽紹

鶴山蝦蟆

村社判官

石中涵水

梁間老叟

鷄妖

蟲妖

討錢名目

邪不干正

避禍難逃

判斬妖尼

泥像生癰

徽欽啜茶

牢狗腸絃

金莖花

高駢鑿海

三
卷三
二
呪狀元

上天取仙桃

金優

朱雪

保定名捕

燕玉

男子雙名

美人雙名

國雙名

神雙名

鳥雙名

獸雙名

魚雙名

蟲雙名

俗語出處

堅瓠廣集卷之三

長洲石農褚人獲學稼纂輯

六經三傳之失

家語云詩之失愚書之失誣樂之失奢易之失賊禮之失煩春秋之失亂淮南子云易之失鬼樂之失淫詩之失愚書之失拘禮之失忤春秋之失訾六者聖人兼用而裁制之○穀梁序云左氏艷而富其失也

誣穀梁清而婉其失也短公半辯而裁其失也俗

隱說

楮記室隱一也昔之人謂有天隱有地隱有人隱有名隱又有所謂充隱通隱住隱其說各異天隱者無往而不適如嚴子陵之類是也地隱者避地而隱如伯舂太公之類是也人隱者詭跡混俗不異衆人如

東方朔之類是也名隱者不求名而隱如
劉遺民之類是也他如晉皇甫希之人稱
充隱梁何點人稱通隱唐唐暢爲西川從
事不親公務人稱仕隱觀白樂天詩云大
隱住朝市小隱住丘樊不如作中隱隱在
留司間則隱又有三者之不同矣○長沙
鄧粲與南陽劉麟之南郡劉尚公友善並
以高潔著名後粲應桓冲聘二劉非之粲

曰足下可謂有志於隱而未知隱夫隱之
爲道朝亦可隱市亦可隱隱初在我不在
於物二劉無以難之而粲亦名譽減半矣

食物饅女

邵氏聞見錄嫁女後送食曰饅女宋景文
納子婦其父饋食移書云以食物暖女公
曰暖字錯用從食從而從大其子退檢字
書饅字注女嫁三日餉食爲饅女

萬壽寺

伍寄菴耳剽集載萬壽寺藥丸和尚建船坊十數間直通僧室聚徒三十餘皆美少年以賣藥爲由婦女無子者多托疾求治與諸僧通致富鉅萬嘉靖間御史舒汀將建爲長洲縣學令推官陳一德率衆燬之而門役豫露其事一德亟馳封鎖船坊以卒百人守之有數婦驚惶登舟欲出不得

僧以白金二千而托門役賂陳乃縱婦去
後舒公知其事而劾之一德罷官

倭患

三吳承平日久民不知兵嘉靖壬子忽有
倭寇據上海之柘林爲巢穴遣衆四出癸
丑至蘇嚆聚甫里郡守林懋舉束手無策
或以月空和尚知兵薦遂令率僧兵二百
人禦倭豫備軍餉火器置婁門外接待寺

懋舉艤舟而伺亡何兵敗賊遂長驅而來
吏請舉火懋舉不可望風先遁方解維而
賊已入寺見積聚爭取之而懋舉得脫歸
賊至城下放火劫掠凡六晝夜居民被殺
者無算時甲寅六月十二日也財帛婦女
滿載四十餘艘沿繞城河鼓吹而行撫按
官兵登城樓觀望而已獨蘇州府同知潞
安任復菴環躬甲冑率民兵策馬力戰遇

于橫塘而軍門令牌收兵一日三至任公
憤憤而回時吳江水兵布列湖中賊委輜
重以餌之得以乘間逸去懋舉懼潛以黃
金二千兩託教授陰鳳麟餽趙文華得隙
縫其事環泊兵日夜暴露草野中與士卒
同寢食士樂爲死屢敗倭斬獲甚衆以食
事備兵太倉又進副使賜金綺予世蔭丁
母憂起復倭平乞終制報可陞參政卒

張正兒

倭變錄丐者張二莫知所自出善伏水中
能月餘不食父躋捷善走死地嘉靖甲寅
倭亂應募方太守令詞賊數挾利器泗水
遇賊舟鑿其底沉之又時入倭巢偵其情
形斬倭首以獻太守頒銀牌犒之不受犒
之以酒則受賊平論功應募百戶郡縣加
以章服却之惟願乞食夜則卧獄廟中嬉

嬉無愁色竟莫解其誰何人也夫出萬死
之中排大難成大事而長嘯謝富貴弗居
豈東海貧兒中亦有魯連先生其人耶

海人

楮記室載海商言南海時有海人出形如
僧人頗小登舟而坐戒舟人寂然不動少
頃復沉於水否則大風翻舟又代醉編載
海人鬚眉皆具特手指相連畧如鳬爪西

域曾捕得之進於國王不言不笑王以爲
不可狎而參也縱之於海其人轉盼視人
合掌低頭如叩謝狀繼又鼓掌大笑放步
踏波而去元時又有一人泛海忽見一稚
子自水中出坐於船頭舟人不敢驚良久
入水而去又金時龍見於燕京舊塘梁手
托一嬰兒如少年中官狀紅袍玉帶略無
怖畏之容經三時始沒由此觀之水中亦

自有人類但幽冥相隔不可相知耳觀溫
太真牛渚燃犀事可見

海女

松漠紀聞載噶蘭達地有人於海中獲一
女子口不能言與之飲輒飲與之食輒食
久乃爲人役使其見神像亦知拜伏身上
有皮下垂宛如衣服被於四肢但着體而
生不可脫卸耳

牝狸佑忠

關西故實載鴈門關外有蘇武廟其大嘗
則今陝西鎮番衛當其啣雪吞氈之日子
卿厭厭待斃天哀其忠貞遣牝狸與之作
伴日則覓食哺之賴以不死武感其義遂
與爲偶因生一子李陵致書云足下胤子
無恙卽狸之所生也並無胡婦生子事後
還中國妻已去惟漢武求其後人不可得

遣人入胡迎嗣子歸朝廢之以官得以繼
續使此事果真則牝狸之功莫大焉

昭君非真

葭鶼雜識單于求娶昭君漢成帝吝而不
與取宮人近似其貌者以往單于寵之後
成帝欲殺毛延壽延壽逃出關單于用之
予以近職後侍安昭君出幕行酒延壽進
言曰此昭君非真漢帝嘗令臣圖其容願

間有一紅痣今則無之其偽顯然今何不
勒兵前去必欲得真昭君其美更勝於此
單于大怒罵漢人欺我若此立將假昭君
賜死使延壽圖形入漢必欲得真者始和
親退師漢王無計乃出真昭君容華固稱
絕代也昭君入胡之後不肯爲婦單于逼
之遂自經死故胡地多白草而昭君墓草
獨青則一心不肯背漢昭君真千古之烈

女荊公乃云漢恩自淺胡自深不亦冤哉
○王昭君墓在今山西大同府

牛金失考

晉宣帝因以牛繼馬之讖深忌牛姓者乃
爲二榼共一口以貯酒宣帝先飲其雉者
而以鴆酒毒死其將牛金迫恭王妃夏侯
氏私通小吏牛某生元帝非牛金也通鑑
失考誤書牛金遂成千古之枉

敘齒

聽雨紀談鄉人敘坐以齒雖貴爲卿大夫
居鄉亦皆謙退曰鄉黨莫如齒考之禮一
命齒於鄉再命齒於族三命則不齒於族
此貴貴之義也予嘗謂鄉之薦紳同輩而
敘齒可也苟非其人而亦以齒尊之不幾
於失禮乎藍田呂氏鄉約曰非士類者不
以齒斯言爲得之矣○彈園雜志云前輩

居鄉惟以齒德相讓而後稍凌夷始重爵位矣申少師瑤泉致政歸拜少湖王先生敬臣投刺稱晚生此古大臣折節高風今世希覩者也

金陵陳遇

明高皇定鼎金陵首召元儒備顧問以秦元之薦召見金陵陳中行遇與語大悅稱先生而不名三幸其第與官輒辭不就除

禮部尙書者再遇固辭乃不復強之以職
然數諭之曰卿老旣不欲仕有子可令入
侍遇叩頭以子勿辭益渾默恬退始終如
一年七十有二卒人稱爲靜誠先生

元儒不受明職

孫退谷

承澤

益智錄元儒受事而不受職

者如楊維禎汪克寬趙汸等聘修元史史
成不受職而去又沈夢麟爲元武康令入

明五主閩浙鄉試又同會試滕克恭爲元
學士入明主河南鄉試皆不受職以舊銜
從事沈壽九十三滕壽百有十歲尤異也

萬安貪財

耳剽集載眉山萬閣老罷歸任省城專一
請託或問安何不歸故鄉答曰我在內閣
止有銀十八萬待足二十萬便回也由後
時相君觀之萬安可謂廉吏也矣

啜茶之始

五經無茶字或曰誰謂茶苦茶卽茶也古
人以飲茶始於三國時按吳志韋曜傳孫
皓每飲羣臣酒率以七升爲限曜飲不過
二升或爲裁減或賜茶茗以當酒據此爲
飲茶之証及閱趙飛燕別傳成帝崩後后
一夕寢中驚啼甚久侍者呼問方覺乃言
曰吾夢中見帝帝賜我坐命進茶左右奏

帝曰向者侍帝不謹不合啜此茶則西漢時已有啜茶之說矣非始於吳時也

書手門子

輟耕錄世稱鄉胥爲書手報應記宋衍江淮人應明經舉元和初至河陰縣因疾病廢業爲鹽鐵院書手蓋唐時已有此名今侍官府之美童曰門子道山清話載都下有一賣藥翁自言少爲尙書省門子蓋宋

時已有此名書手門子之名其來久矣

皇陵懸牌

中都皇陵初建時量度界限將築周垣所
司奏民家墳墓在傍者當外徙高皇曰此
墳墓皆吾家舊隣里不必外徙及成皇陵
四門懸金字牌各一其文云民間先世如
有墳墓在陵域者春秋祭掃聽民出入無
禁不許把門官軍刁蹬如違以違制論此

大聖至公至仁之心周文王不得專美矣

禁放砲

耳剽集載明制朝廷每端午日迎母后幸
內治看划龍船砲聲不絕蓋宣德以來故
事也萬曆丙戌砲聲無聞人疑之後聞供
奉者云是日內官奏放砲神宗止之云酸
子聞之便有許多議論也神宗之顧恤人
言如此可以仰見聖德矣

包孝廉

北墅手述順治辛卯浙闈中錢塘包棨年
踰不惑長不滿三尺宛然稚子也撤棘主
司見之詢諸人曰其貌不揚不知其何修
得此有知之者曰此天報之也王師破
紹興時或誣紳衿三十餘家叛逆密揭貝
勒貝勒緘發撫軍張存仁揭偶墮地棨爲
記室拾而火之張問棨棨曰火之矣張大

驚桀請自解貝勒請死桀又自作解文言
童子包桀不識字誤焚文書請治罪貝勒
見其繭收蜎縮以爲果小孩也笑作國語
譯者曰果孩子饒了罷竟放歸三十餘家
得以保全不究咸桀之陰德所致也

張夫子

客忿涉筆明崇禎初永平兵備道張春陝
西孝廉也我師攻城春出戰力屈被執見

太宗皇帝不屈衆欲殺之上不欲偕王
闕廷高其忠義命旂下從張公學公亦不
辭教以道義咸敬事之稱張夫子坐必南
向終不薙髮上曲從之語臣下曰真忠
義人也當學之及卒上深歎息旂下學
者以楮奠之曰不敢有汚清德定鼎後
世祖章皇帝入御燕都語侍臣曰卿等昔
日亦知有張夫子乎南國有此一人乃無

有識之者耶因得悉其行事

人大蘿葡

北墅手述崇禎時錢塘花村范老人生平
誠信無誑語偶自太湖歸向人云見一人
大蘿葡聞者笑之范自咎言之無徵積悔
成疾其子日禱於天願釋父意一日鋤地
忽得一人大蘿葡鬚長尺餘蒂亦拱把兩
人肩荷徧走示人人皆欽歎父疾旋愈

頂上千拜

正德中河南按察使華亭朱恩與劉瑾有舊事瑾極恭凡拜帖寫頂上超陞至南京禮部尙書按暹羅國凡臣下見其君先捫其足者三復自捫其首者三謂之頂上恩取諸此又彈園雜志載嘉靖中一進士謁諸相國刺云眇眇小學生某人頓首千拜先見貴溪滕行而前貴溪怒叱出之次見

分宜分宜喜曰後生輩當如是遂引入幕
爲乾兒又宋朱浚諂事賈似道每劄子必
書浚萬拜小人無耻一至於此

譏不肖子

野記載一士赴考其父充役爲貼書勉其
子登第則可免子方浪游都城需銀資用
卽荅曰大人欲某勉力就試則宜多給其
費否則至場中定藏行也奕者以不露機

爲藏行云又有士父使從學月與油燭一
千其子請益不可子以書白云所謂焚膏
繼晷者非爲身謀正爲門戶計且異日恩
封庶幾及父母耳有如吝小費則大人承
事娘子孺人遼乎邈哉聞者絕倒

朋友治妬

菽園雜記載高文義公穀無子置一妾夫
人素妬悍每間之不得近一日陳學士循

過焉留酌聚話及此夫人於屏後問之卽
出詬罵陳公掀案作怒而起以一捧撲夫
人仆地至不能興高力勸乃止陳數之曰
汝無子法當去汝而置妾汝復問之是欲
絕其後也汝不改吾當奏聞朝廷置汝於
法不貸也自是妬亦少衰生中書舍人峘
陳公一怒之力也妬婦之見於紀載者多
矣朋友治妬真新聞也

徙處五溪

劉禹錫曲江序云張九齡爲宰相建言放
臣不宜與善地悉徙處五不毛溪然九齡
自內職出始安有瘡痍之歎罷政守荊州
有拘囚之思身處遐陬一夫意不能堪矧
華人士族必致醜地然後快意哉議者以
爲開元良臣而卒無嗣豈忤心失恕陰責
最大雖他美莫贖耶

煉石補天

碣石剩談女媧煉五色石以補天漏人多
置疑予見道家祈雨有斬虹之事念呪作
法麾劍於下而虹卽斷於天卽此則知女
媧非親升天隙以石補之也觀煉字之義
想以火煉石於下而天遂合隙於上卽如
斬虹又或如救護日食月食之說歟卽此
而觀則古之奇跡亦皆常理又何異焉

鬱火燒棺

耳剽集載凡酒皆火而燒酒之害尤烈正
德乙亥吳江知縣周秀卿偉尤所耽嗜終
日昏睡行事顛倒可笑人目之曰周燒酒
踰年病卒其父移柩至葑門設奠焚楮錢
灰飛著棺棺中火遂大發亟救乃熄而其
屍已燼矣蓋酒毒鬱蒸於柩中偶得火氣
內外相應便爲焰發也

孝經問題

楷記室錢塘葉生爲太學官無學識有學生假作葉策題云孝經一序義亦難明且如昭韋王是何代之主先儒領是何處之山孔子之志四時常有也何以獨言吾志在春孔子之孝四時常行也何以獨言秋行在孝旣曰夫子沒而又何以鯉趨而過庭爾多士其詳言之

夫輦鎮怪

太平清話浯溪旁舊有神怪宋熙寧中永州判官柳應辰維舟巖下僧以有怪告之夜半恠果登舟伸手入窓應辰書一夫字叱而揮之詰朝登岸索之夫字綴於崖上知石爲恠也旣而解維放舟僧追告以溪山震響應辰書一輦字與鎮之其怪遂泯石刻碑字存焉

歐陽紹

廣異記唐歐陽紹雷州郡將所居有池常
能爲恠紹決其水雷電大起雷神持兵相
向紹與力戰衣體俱焦賈勇愈倍神負而
隱池水盡涸見一無首之蛇斫刺不傷鎔
鐵灌之方死人號歐陽爲忽雷

鶴山蝦蟆墓

楮記室魏鶴山爲參政一日留客館中自

入內忽有兩丫鬟秉燭出迎云叅政有請
史敎授隨入衆客怪之有頃鶴山出不見
史君衆以招入爲對鶴山驚曰安有此令
左右徧尋見史在塘中半身沒水扶上炙
蘇問其故則曰丫鬟引至一大屋見綠衣
人指小女與汝爲妻今夕成禮不知身在
水中次日令舁乾塘有一蝦蟆大如斗小
者四五而已

村社判官

耳新嘉靖中南京朱某妻顧氏每夜有巨
人來共爰日漸羸憊人語婦曰取其佩戴
之物可知何怪矣婦俟與交時拔其頭上
一物藏於席下明旦視之乃紗帽翅也朱
尋至土地廟見判官失左翅具報兵馬司
問判官杖罪一百拽像中衢撻而碎之血
水流岀陸儼山肄業南雍親見之者

石中涵水

耳譚載世廟末涿州樓桑廟傍農人王某
塲間石碣傳自上世有賈胡過視許以十
金王疑不與旣去兄弟以失價相詆斧破
之中空涵水一盂而已清冽異常不省所
用置之神堂婢竊飲之數日膚潤面腴髮
黑如漆通知未來事其姑家相距百里曰
姑家火發已及奧堂又曰家牛生犢母子

皇朝經集 卷三
當弗活已而果然聲聞於外遠近填門部
使者表聞中使下迎婢忽不見

梁間老叟

怪山談錄崇禎中慈仁寺僧坐毘盧閣下
聞程間有人語漸譁躡梯闕之有男女數
人長止尺許一老叟出謂僧曰吾輩本居
深山思覩帝里之勝攜家而來暫棲於此
師母見迫不久當去師勿露必有以報也

居數日僧復聞譁如前又問之叟曰吾婦
矣師可竢我於郭外某處僧如言候之不
見倦卧於道左覺而探懷中得千錢焉昔
金之將南遷也有狐舞於宣華殿元將亡
狐從端明殿出此殆其類乎

雞妖

緩寇紀畧載崇禎丁丑京師宣武門外斜
街民家白雞羽毛鮮潔喙距純赤重四十

勸慈溪應孝廉廷吉見之愀然曰此驚也
所見之處國亡又耳剽集載嘉靖五年十
月長垣王憲家鷄抱卵內成人形五官皆
其弘治甲子崇明顧氏雞卵育獼猴尤異

蟲妖

綏寇紀畧神廟好用商人採辦每進黃封
御箱內有八寶嵌成蝦蟆蚱蜢等物箱開
則藏機發跳躍滿地上大笑賞賚不貲

計錢名目

楮記室治天下者不使利遺一孔亦必致
敗豈惟名爵獨然未流之竭當窮其源枝
葉之枯必在根本元朝末年官貪吏污因
蒙古色目人罔然不知廉恥之爲何物其
問人討錢各有名目所屬始叅曰拜見錢
今謂之見面錢無事白要曰撒花錢逢節
曰追節錢生辰曰生日錢管事而索曰常

例錢送迎曰人情錢勾追曰齎發錢論訴
曰公事錢到任始要錢曰開手覓得錢多
曰得手除得州美曰好地分補得職近日
窠窟漫不知忠君愛民之爲何事也

邪不干正

菽園雜記吳中有鬼善淫俗名上方五聖
凡懷春之女多被污之與之善者金帛首
飾皆爲盜致吾崑真義民家一女將被污

女曰涇西某家女貌美何不往彼而來此
鬼云彼女心正女怒曰吾心獨不正耶遂
去更不復來乃知邪不干正之說有以也

避禍難逃

綠雪亭雜言正德中錦衣指揮楊玉附逆
瑾勢害人瑾敗玉伏誅家口沒入爲奴有
愛妾攜少女匿民間得免此女長甚美妾
鑒前禍誓不婚京師權貴家李白洲都憲

蔭子納之後寧庶人于紀李坐黨被法此
女入浣衣局噫有數焉無所逃也已

判斬妖尼

楮記室彭節齋爲江西經畧使有人招一
尼教女刺繡女忽有娠父母究問云是尼
也告官屢驗皆是女形有人教以豬脂油
塗其陰令犬舐之已而陰中果露男形再
舐陽物頓出彭判是爲妖物奏聞斬之

泥像生癰

今堅志建寧府建陽縣寶山乃南岳忠靜
王行宮香火甚盛士大夫祈靈乞夢殆無
虛日後宮裝塑官娥從者未得其貌偶邵
郡一富婦來廟獻香匠卽塑其貌婦不之
知後偶患腦瘡百藥不效偶一醫者曰寶
山有一宮娥狀貌宛如判閻今爲雨漏濕
像之首不曾修整富家異其言亟遣人往

視之果然卽命匠者修治之瘡遂愈

徽欽啜茶

楮記室載徽欽二帝北狩至一寺有石金剛二一胡僧出入其中問徽欽二帝何來欽宗以南來爲對僧呼童子點茶味甚香美茶畢而退帝再索之則僧皆不出入視之愕無一人止竹門一小室有石刻胡僧及二童子宛然似獻茶者

羊狗腸絃

房千里大唐雜錄載春州土人彈小琵琶
以狗腸爲絃聲甚悽楚紫批軒繼綴載杭
州貧人婦女日夜抱羊腸作彈絮云絃售
人蓋由羊狗腸俱勁韌可用耳

金華花

朴隣雜編載隋大業中元藏幾爲過海使
風飄一洲名曰滄州人多不死上有金池

水石泥沙皆如金色有金莖花如蝶人多
帶之曰不帶金莖花不得到仙家今人但
知目銅掌承露爲金莖

高駢鑿海

北夢瑣言交趾以北距南海有水路多覆
巨舟高駢往視之乃有橫石隱然在水中
因奏以開鑿海道之利有詔聽之乃召工
者啗以厚利竟去其石民至今賴之

呪狀元

朱平涵集載雲間張狀元以誠宦京師其
家侵暴隣里里人不堪赴京訴於張君一
心知里人之冤而難禁制父兄語其人曰
汝回家只管呪呪殺了張狀元他何處倚
勢耶不數年君一果卒又聞見卮言載餘
姚韓狀元應龍欺佔郝產勢不能抗適有
江西堪輿人善厭魅術其隣許以百金結

壇燒符念呪七日夜將桃木七寸刻作人形書其生辰甲子植地上每夜念呪畢敲木人下地一寸至第七夜桃人沒地時韓在京健旺無疾晚與夫人對酌戲觸其怒夫人將汝化面悉行爪破血痕如珠簾蜜布次早不能上朝是夜縊死後數日聞訃鄰人大喜堪輿者取金而去故鄉紳當自好偶見二書所載錄之以爲戒焉

上天取仙桃

耳譚載嘉靖戊子鄂城有人自河洛來善幻術婦擊金謂其夫曰可上天取仙桃與衆看官喫其夫將所負繩拋之繩直立如木天忽開一門晴霞絢雲閃灼擁簇繩與門接其夫緣繩而上從天宮擲桃下葉猶帶露人皆徧食之甘美異於常桃久之忽聞天上作誼詬聲忽擲其夫之首足肢體

片段而下鮮血淋漓婦伏地大哭曰頻年
作法不逢天忽今日乃爲天狗所傷亦是
衆官所使事關人命本不敢仇怨但求捨
錢治棺殮可去也衆皆大驚醵金一兩餘
給之婦合肢體成人形盛以絛籩囑肢體
曰可起矣肢體應聲曰錢足否婦曰足其
夫忽起收拾其繩畢仍負之而去人皆絕
倒王行甫所親見者

金優

海塩有優童金鳳少以色幸於分宜嚴東樓東樓書非金不食夜非金不寢金旣色衰食貧里居比東樓敗王鳳洲鳴鳳記行而金復塗粉墨身扮東樓以其熟習舉動酷肖復名噪一時向日之恩情置勿問也

朱雪

見只編載王荆石相國爲南祭酒范屏麓

太史過王語良久欲別王曰幸少坐小女
謂今日常雨朱雪果爾當煩作韻語紀異
否則共以一笑解之屏麓意謂必妄食頃
須臾作雪他處皆白惟庭中色若臙脂和
雲母照耀人面暈若桃花屏麓詠詩紀異
中有少女風前吹絳渚太史庭下布丹砂
之句此曇陽事也王弇州有曇陽傳不及
此事

保定名捕

見只編載金壇王伯弢萬曆丙午計偕至
德州見道旁捕快與州解相乘問之云放
馬賊晝劫上供銀追之則死賊箭不追則
死官刑各相向呼天泣然賊馬塵起尤目
力可望也忽有夫婦二騎從北來諸捕咸
驚相慶曰保定名捕至矣諸捕控名捕馬
問從何來名捕言進香泰山耳然名捕病

甚俯首鞍上其妻一短小婦人以皂怕弊
面手抱嬰兒諸捕告之故哀乞相助名捕
曰賊幾人曰五人曰余病甚吾婦往足矣
婦揺手對不耐煩名捕嗔罵曰懶媳婦今
日不出手祇會火炕上搏老公平婦面發
赤便下馬抱兒與夫更束馬肚結縛裙帶
攘臂抽刀長三尺許光若鏡夫言將我歸
去妻曰吾強故曰勝箇言未訖身已在馬

上絕塵而去諸捕皆奔馬隨之須臾追及
賊騎婦大呼賊曰我保定名捕某妻爲此
官銀故來相索宜急置無嘗我乃也賊言
丈六平平牝猪敢爾賊發五弓射婦婦以
強弓撥箭箭悉落地急發一彈殺一人四
人拔刀擬婦婦接戰揮斥如意復斫殺一
人三人懼稍却婦曰急置銀界兩尸去俱
死無益也三人下馬乞命置銀以二尸縛

馬上而逸侯諸捕至界銀而還此婦猶旃
旒常善刀藏之下馬拜諸捕曰妮子着
力不徒縱此三虜要是裙釵伎倆耳州守
爲治酒宴勞五日而去

燕王

古詩燕趙多佳人美者顏如玉杜少陵詩
暖老須燕玉留青日札燕玉謂燕趙美婦
人如玉也此言云思得暖玉之杯也

男子雙名

盤盤

扶南國王

赫連勃勃

夏主

今藏遮遮

吐蕃

殷七七

名文粹唐

羅黑黑

唐太宗

精精空空

俱劍

陶八八

遇異人

燕八八

李博光

紀孩孩

唐樂

尙婢婢

吐蕃

節仲小

小唐

乾寧

僕僕東開元時人

蘇飛飛

見西

和

和僧

尙陸陸

謫謫人

落落

李亮用

和

許閒閒

見張天

陳豆豆

元祐時人

張無無

堅志

時春春時住住徐勝勝未安安陳伴伴余

元元王斤斤俱南宋殿前供奉人散散嶮嶮馬馬元

學同同元平章咬咬元樞密院定定元中丞雪雪元人

吳開開元真吳借借元人馬存存元人

脫脫元丞相又元未遺孽明太宗封忠王

保保元太師趙閒閒元學士張公公元即張陳

薦薦洪壽壽史浩浩見名臣奏議唐瞿瞿名瞿

江閩古古名兩州考康徐余生生名齋成

美人雙名

雙名美人備錄于左娟娟楚嬭寵寵朱起

施施漢宣帝女紫紫古語婦後羅羅昔

音隋人亭亭廬江王蘇簡簡齊小南羅

愛愛隋妓楊愛愛錢塘崔鶯鶯唐人李鶯

鶯與張浩范鶯鶯范燕燕俱志士燕燕張

安張燕燕明妓真真書屏沈真真唐協將

鄭還謝真真與韓真班真真元名趙真真

古者通老班真真元名趙真真廣

元馮子高妹妹唐高彥昭女七歲養養

氏妓小小王縉薛瓊瓊開元中馬瑒瓊端

朝開盼盼張建費盼盼宋姑黃山干盼盼

元名張好好杜牧之謝好好元植所張紅

紅韋青婢青青翟素卿卿唐妓油有

吳盈盈與王山善者達奚盈盈天室中李

當當唐名妓和當當元名灼灼錦城香香

秦州寵寵未美美唐劉七七李洪英英

楊師師卓卓又張張又元元順順王英英王英英

卓英英卓英英曹保保曹保保鄭舉舉鄭舉舉王蘇蘇王蘇蘇

蓮蓮張住住蓮蓮張住住李端端李端端錢端錢端

端端寄寄寄寄李童童李童童

翹翹翹翹沈翹翹沈翹翹

東東東東石醅醅石醅醅轉轉轉轉星星星星

吳倩倩吳倩倩皎皎皎皎楚楚

趙崖崖趙崖崖鳳鳳鳳鳳渭渭渭渭

黃

朱宣仁太
小名
豔豔
妻善
趙
房

溫超超溫都監女次李師師朱徽宗嬖許

冬冬注小雲集毛惜惜宋高郵坡榮全注

惜惜張李惜惜明景皇帝憐憐末廟

判趨
丁憐憐
成滿
都州
妓
王憐憐
妓元
娉娉

歌
雅
馬
娉
娉
賤唐
賈
娉
娉
元
妻
關
開
俞

通本
華明
而福
而福
侍賈
故娉
娉吳
慶慶
而朱
夫孝
人宗
唐
安
安

宋仿聖宗嘗余安安元忠宣公女聊聊

卷之二十一

福雲朱為妾 田田錢錢俱辛稼軒妾 翠翠古美人

李翠翠明金陵妓能詩 薛翠翠明京師妓 陳柔柔陽明

桂妾鄭南有傳 荆堅堅 李心心 心心馮六六

顧山山 孫秀秀 劉開開 魏道道 劉區區 劉

寶寶俱元名妓 田娟娟木元經 薛素素京明

師妓人稱薛較 柳依依明揚州妓 景翩翩字三建

能詩徐翩翩明南京妓見 楊采采元吳中

小小青 陳小小 明末金閨妓 劉宛宛 楊

瓜青 陸雲士有傳

娟娟孫真真

蘇州

張倩倩

吳江沈君庸葉

夫

能詩

葉

純純

吳江人

工部主事

葉紹袁

之

元

元

侍女

統

統

統

統

統

統

統

又名姍姍

生愛婢

陳素素

揚州妓妻

所遇

遇

遇

遇

遇

遇

遇

遇

遇

遇

國雙名

外國雙名者回回蠕蠕丹丹部部佛佛貴

州夷人

一曰羅羅

舊志

見一統

西伯昌滅

既

既

既

既

既

既

既

既

既

音國

見史記

突厥滅

茹茹之後

盡有塞表

之地

見後周書

海外有汶汶國

見代

醇編

醇編

醇編

醇編

醇編

醇編

之地

見後周書

海外有汶汶國

見代

醇編

醇編

醇編

醇編

醇編

醇編

醇編

醇編

醇編

醇編

醇編

神雙名

人身中神雙名者六心中神衣赤衣長九寸冠九德之冠着綠璫之幘名曰哶哶肝中神衣青衣長八寸名曰藍藍膽中神衣白衣長三寸名曰護護脾中神衣黃衣長六寸名曰禪禪胃中神衣赤衣長五寸名曰旦旦腎中神衣黑衣長四寸名曰漂漂

見太清真人絡命訣林林央央俱山神名

鳥雙名

鳥雙名者青丘灌灌崇吾鷖鷖梁山羅羅
又行扈喑喑借宵扈嘖嘖按灌灌或作濩
濩狀如鳩佩之不惑鸞鸞狀如鳥一翼一
目相得乃飛爾雅作鵽鵽禽經載鵽鵽之
智不如鸞周周之智不如鵽又鳳名足足
見薛道衡文鵽鵽且謂之鵽鵽見方言洪
洪冠雉卽鵽鵽也秩秩海雉如雉而黑見

爾雅燕燕子鳥也見詩註老扈鵲鵲見左
傳註來來卽鷺也李端唐詩惜養來來歲
月深鵲鵲施音鷺也見詩韻音釋鵲鵲鳥郎
鵲鵲也見詩註疏咭咭鵲鵲名見爾雅翼
一作鶴也堯堯形似鵲鵲見五色線雙雙
鳥名見公羊注甲甲鳥名見平亭閒語

獸雙名

獸雙名者招搖狴狴音公狴狴音公狴狴音公狴狴音公

[illegible]

放一作作阜文交南海猩猩北海豨豨又

有青獸曰羅羅雲南人呼虎亦曰羅羅見

白般般見薛道衡文譙明山有獸曰

榴榴栒狀山有獸曰從從磈音真山有獸曰

嶷嶷依音 跬母音 偶 山有獸曰精 精南海外有

獸白雙雙叔獸獨國有黑虫如熊曰獵獵

音狒狒王會圖作𧢲𧢲又作𧢲𧢲𧢲𧢲

見本草禺禺音猴屬又名霄霄亦猴屬

魚雙名

魚雙名者剛山蠻蠻洛水庸庸一作食揚

州禺禺山海經載涿光山鰐鰐音之魚少

咸山鮪鮪音之魚跂踵山鮐鮐音之魚又

庚氏穴池養魚以木爲凭欄登之者憑欄

投餌其聲堂堂魚必踴躍而出辛氏之池

不必投餌但聞簾策之聲魚亦出是庚氏

之魚可名堂堂辛氏之魚可名策策覲化

蟲雙名

蟲雙名者螭名蜻蜻經詩螳螂謂之蚱蜢

蛄蛄重重重重蟲各各有兩首蛄蛄隊隊形

如壁虱生有定偶斯須不離西南夷及緬

甸諸國多有之夷婦有不得於夫者飼於

枕中則其情自洽合土官目把及富夷之

妻不吝金珠易之蛄蛄

俗言出處

里巷長談本於史書者甚多俗言不中用
出史記秦始皇聞盧生竊議亡去大怒曰
吾前收天下書不中用者盡去之酒闌歌
罷酒闌見漢高祖本紀闌謂希也言飲酒
者半去半在也又一敗塗地及無賴俱見
高祖紀中高祖爲太上皇壽曰始大人常
以臣亡賴不能爲人出史記樊噲子荒侯

市人病不能爲人瓜分天下及吹毛求疵
俱見前漢書罵人曰老狗出漢武故事上
常詬栗姬怒弗肯應又罵上老狗上心嫌
之未發也遇股子見前漢昭帝紀鄙人之
庸賤者曰小家子出霍光傳四分五裂見
張儀傳如坐針氈見晉書杜錫傳不痴不
聾不成姑公見宋書又唐代宗荅郭子儀
語不長進見宋書前廢帝傳人面獸心見

宋明帝紀相打見宋黃曰傳回於宣陽門
與人相打不耐煩見宋庾炳之傳又五代
唐明宗將立后曹氏謂王淑妃曰我素多
病性不耐煩妹當代我三十六策走為上
策見齊書王敬則傳僕來之物見梁書一
勞永逸見北魏詔有疾曰不快見華佗傳
不快活桑維翰曰居宰相如着新鞋襪外
面好看其中不快活也不作好事唐明宗

責王建曰汝為節度使不作做好事遠水
不救近火出韓非子罵人曰雜種出前燕
載記贊曰蠢茲雜種沒奈何張循王銀鐸
毬名金逆亮制共靴極長取於便蹬足底
處不及指謂之不到頭又制短靴謂之沒
不稍宜和間婦人鞋底以二色帛合而成
之名錯到底又人曰贖曰產轉售曰翻燒
餅見塵史打草驚蛇南唐當塗今王魯事